



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-068-5/26**

Datum: **10.07.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «HIFA PETROL» d.o.o. Sarajevo za donošenje Rješenja o vodnoj dozvoli za ispuštanje oborinskih onečišćenih voda sa lokacije objekta punionice plina sa pratećim sadržajima, izgrađenog u ulici Rakova noga bb, općina Kreševo, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «HIFA PETROL» d.o.o. Sarajevo, daje se vodna dozvola za ispuštanje oborinskih onečišćenih voda sa lokacije objekta punionice plina sa pratećim sadržajima, izgrađenog na zemljištu označenom kao k.č. 588/2 i 592/1 K.O. Alagići, općina Kreševo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekata i pod slijedećim uslovima:
 - 3.1. Da se u roku trajanja ovog Rješenja o vodnoj dozvoli obezbijedi sistem prikupljanja, tretmana i ispuštanja oborinskih onečišćenih voda sa predmetne lokacije, a sve u skladu sa dostavljenom projektnom dokumentacijom „Punionica plinskih boca Rakova noga – Kreševo- Glavni projekt – instalacije“, urađenom od strane projektne kuće „HABITAT“ d.o.o. Mostar, broj: 01-I-095/05, rujan 2005. godine.
 - 3.2. Objekte čija je svrha odvođenje i prečišćavanje oborinskih onečišćenih voda (separator ulja i naftnih derivata, otvoreni kanali za odvodnju, slivnici i rešetke i sl.) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.3. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/13, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.5. Da se sav opasni otpad uključujući uljne emulzije, hemikalije, istrošena ulja, nauljene krpe, otpad nastao u procesu rada, otpad nakon čišćenja i održavanja objekta i postrojenja i sl., redovno prikuplja i propisno privremeno skladišti u odgovarajuće spremnike, do krajnjeg, ekološki prihvatljivog zbrinjavanja od strane ovlaštene firme prema sklopljenom ugovoru.
 - 3.6. Opasni kruti i tečni otpad ne smije se ni privremeno ni trajno odlagati na česticu «vodno dobro», odnosno u vodotoke i na njegove obale, kao ni na prostore koji mogu biti izloženi djelovanju voda.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i

posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove vodne dozvole, korisnik objekta je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog proizvodnog kompleksa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 2 (dvije) godina, od dana pravosnažnosti ovog rješenja.
10. Prije isteka važnosti ove vodne dozvole, korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «HIFA PETROL» d.o.o. Sarajevo, obratilo se ovoj Agenciji sa zahtjevom za donošenje Rješenja o vodnoj dozvoli za ispuštanje oborinskih onečišćenih voda sa lokacije objekta punionice plina sa pratećim sadržajima, kapaciteta 60 m³, izgrađenog na zemljištu označenom kao k.č. 588/2 i 592/1 K.O. Alagići, općina Kreševo.

U provedenom postupku, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-25-011016 od dana 01.09.2025. godine;
- Kopija Uvjerjenja o poreznoj registraciji donesenog od strane Porezne uprave - Kantonalni ured Sarajevo dana 23.02.2005. godine;
- Kopija ugovora o zakupu sklopljenog između „HIFA PETROL“ d.o.o. kao zakupoprimac i Anto Miličević kao zakupodavac, dana 01.11.2017. godine;
- Kopija Rješenja o upotrebi objekta donesenog od strane Službe za katastar i imovinsko-pravne poslove Općine Kreševo, broj: 06-23-254-1 dana 12.12.2006. godine;
- Kopija Rješenja o VD donesenog od strane Agencije za vodno područje rijeke Save broj: UP-I/25-3-40-029-5/24 dana 28.02.2024. godine;
- Izvještaj o monitoringu kvaliteta i kvantiteta otpadnih voda punionice plina „HIFA-PETROL“ Kreševo, urađen od strane „Inspekt RGH“ d.o.o. Sarajevo, decembar 2025. godine;
- Punionica plinskih boca Rakova noga – Kreševo- Glavni projekt – instalacije, urađen od strane projektne kuće „Habitat“ d.o.o. Mostar, rujan 2005. godine (na uvid);
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 09.06.2026. godine izvršen obilazak predmetne lokacije, o čemu je sačinjen Zapisnik o uviđaju broj: UP-1/21-3-40-068-2/26.

Na osnovu dokumentacije dostavljene uz zahtjev i izvršenog uviđaja na predmetnoj lokaciji utvrđeno je slijedeće:

Predmetni objekat je izgrađen u ulici Rakova noga bb, općina Kreševo, na zemljištu označenom kao k.č. broj 588/2 i 592/1 K.O. Alagići, općina Kreševo.

Objekat čine slijedeći sadržaji: punionica plina koja se sastoji od dvije tehnološke cjeline – punjenje boca i dio za ispitivanje malih boca, odijeljeni protupožarnim zidom, nadzemni rezervoar ukupne zapremine 60 m³, zidani objekat sa kompresorskom postajom, crpno postrojenje, pretakalište, skladište praznih i punih boca.

Punionica je smještena na nadvišenom otoku H=1.1 m, koji svojim obodom tvori utovarno-istovarnu rampu. Zatvoreni dio objekta je zidani objekat sa slijepim zidom prema spremniku. Unutar zatvorenog objekta su dvije tehnološke cjeline – punjenje boca, te ispitivanje malih boca odijeljene protupožarnim zidom. Unutar punionice je kanal upušten 60 cm sa dvije punilice malih boca. Boce dolaze na punilice ručnom manipulacijom na male koturače, a sa punilice koturačama idu na otpremnu traku. Otpremnom trakom idu u kadu za ispitivanje, te iz kade vani na natkriveno skladište. Dio kanala sa kadom je upušten 1.10 m. Izlazni otvor na traci je opremljen gumenim trakastim zastorom. Punilica velikih boca sa zvonom za ispitivanje je smještena uz bočni zid punionice. Pod u punionici i ispitivanju boca je antistatički samolivni pod.

Na lokaciji predmetnog poslovnog objekta javljaju se oborinske onečišćene vode koje slobodno otiču po okolnom terenu, bez kontrolisanog prikupljanja, tretmana i ispuštanja.

Na osnovu dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnosti koje mogu imati specifične uticaje na vode koje mogu privremeno ili trajno degradirati kvalitet voda, ili ometati poboljšanje njihovog postojećeg kvaliteta i ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).


Pouka o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Potpisano
Rukovodilac Sektora za izdavanje vodnih akata


Nihad Pezo, dipl. inž. građ.

Dostaviti:

- „HIFA PETROL“ d.o.o. Sarajevo, Hotonj bb, 71320 Vogošća Sarajevo
- ➔ AVP Sava, ISV – Vodna knjiga
- Sektor 40, arhiva
- Sektor 50
- Oglasna ploča AVP Sava